

Zofredde alt

Musik & Text Björn Heuser / Verlag: HEUSERMUSIK, GMO Publishing

Versöök niemols, Liebe zo erkläre,
versöök niemols, Jeföhle zo verstonn.
Et kütt vüür, dat Zweifel ahn dir zehre,
un ding Jedanke durch Jammertäler jonn.

Un es och alles Driss,
verjiss nie - dat do jet janz Besondres bes!

Nemm dich su, wie do bes,
denn wie do bes, su bes do joot,
et Schönste an dir bes do.
Un sprich su zo dir selvs,
als wörste frisch en dich verknallt,
dann wees do zofredde alt.

Do wees sin, am Engk bliet alles besser,
och d'r Mohnd kann jlänze wie de Sunn.
Manchmol sin affjelaufene Stroße wirklich ätzend,
trau dich ruhig ens ne neue Wääsch ze jon.

Un do kanns sicher sin,
ohne die Schläächte, wören die joode Zigge halv su schön!

Nemm dich su, wie do bes,
denn wie do bes, su bes do joot,
et Schönste an dir bes do.
Un sprich su zo dir selvs,
als wörste frisch en dich verknallt,
dann wees do zofredde alt.